

## Pont d' idêye po on condjî ?

Volèz ritoûner è nn' èri viè lès vrêyès valeûs èteure lès djins, trover lès simpès djèsses ki vos faut po surviker, vos rinde conte k' i gn'a ène povrité ki sâve, ki fait riglati l' keûr èt aussî l' èsprit ? Ça vos pout ièsse auji. I gn' a k' sakants riles à shûre : waurder ène bâbe di trwès kat djoûs (po lès feumes, n' si nèn rôi lès « maus mètus pwèls nèn à l' boune plaèce ») èt dès mannèts tchivias ; mète dès vîs mousemints èt dès ûzès mins co solides solés ; n' pont awè avou vos d' l' abwâre do djinre pèkèt o d' lîve, di monte, di téléphone à mwin èt nèn ène fayêye mastoke dins vos potches. I vos faut djusse on vî satcho d' plastic do Djèbé, da Dèlèze o co d' Mèssdag. Èt après vos dimandèz vos ? C' èst tot bièsse, li tins do sèmdi èt d' on dimègne on vos va mète dins l' pia d' on sins maujhon, d' on sins rén, d' on bribeû au mitan dès 300 « vrêy » ki son-st-oblidjî d' surviker insî, tos lès djoûs, zèls, dins lès reuves di London. L' satcho c' èst po z-î mète cki lès pormwinneus vont Bén volu doner à l' mwin k' vos sèroz oblidi d' leû stinde. Po l' rèsse, vos n' aroz k' a wêfî autoû d' vos èt tûzer. I gn' a ki 18 « zèlus » ki vont polu profiter di si bèle èspéryince d' omilité èt d' pitié di deûs djoûs èt deus nûts. Po s' inscîre, ça n' costêye ki 220 Uros (150 £ piski ça s' va passer do 24 au 26 di djun è l' Grande Burtone. Dîre k' i gn' a ène bèl pèkêye d' djin ki vikenut c' n' avintûre là sins minme awè

lès caurs po s' payî on si bea spiritowèl rinovèlmint, s' apinsenut-is, lès britanikes (èt t' mam' ?...)

## On a si sovént, ètindu

« *On n' savève nèn. On n' l' apri k' Bén lontins après...* » k' i nos faut tot minme Bén riconèxhe ki lès amèrikins dimèrenut tot d' minme dès djins à purf. On

lès pout critiker mins i nos faut èto sawè waurder ène miète di « kand à nos ». Insi k' l' a di l' Donâd Rumwède : « Come nos l' savans, i gn' a l' conxhu k' on sê. C' èst lès cayèts k' on sê k' on lès connèt. Nos savans èto k' i gn'a lès nèn conxhus k' on connèt. C' èst po dîre k' nos savans k' i gn' a dès tchôzes k' on n' è sê rén. Mins i gn' a èto lès nèn-conxhus ki sont nèn-conèxhus, c' k' on sê Bén k' on n' sê nèn. »



I n' vos faut nèn vos èwarer, on comèle èt maxhe todi lès moudêyes di sicrijhaedje

## L' CONSÊY DÈS MINISSES,



a asprouvé  
l' vinrdi 7  
di may,  
on plan  
d' mov-  
mint  
conte  
lès  
bates  
dins  
lès

mwin-  
naedjes.

È l'

Bèldjike, ène feume dsus sèt a sitî *rwèdimint mau trêtiye* pa s' copwinneû. L' *Minisse po l' ègâlitè dèss chances*, Marèya Arèna, a décidé d' èdaumer, è l' **mwès d' sitimbe à vinu**, dèss bates di divize avou lès Comunaltés ki sont pokêyes pa sakants nokètêyes do plan. Èle a aspouyî di s' dwèt dsus l' nècèssité d' apontiyî lès mêdes, lès policîs èt lès adjints dèss CPAS insi k' dissus l' nècèssité d' ècâdrer tos lès cias k' ont dèdjâ ûzé d' leûs pougnes po wêti à c'k' is n' si rimètenuche nèn à lès taper, leus feumes.

\*

*Lès drwèts d' l' ome, l' drwèt d' viker, l' drwèt d' fé moru, l' drwèt d' awè sès idêyes, l' drwèt d' moru po sès idêyes, l' drwèt d' tuwer po sès idêyes, l' drwèt di s' mète à iute, li drwèt d' mète à iute, li drwèt foû di scwêre, li drwèt di sclimbwagne, li drwèt d' roter drwèt, li drwèt d' chalter, li drwèt, à ûe o a dia ? à igne o à agne ? Èwou sont-is ?*

\*



## I GN' A-T-I DÈS TÛZÊYES À PÈZER ?

Vos vos fyoz sauter è l' èr èt tuwer avou vos ène tchèrtêye d' inocints, vs èstoz on màrtîr (à flotche ?), vos waxhotèz èt rîre d' ène pougnîye di prijonîs po (sayî ?) mète dèss vîyes à iute, vs èstèz on

maussî "târsonnîre"...

\*

## CINKANTE ANS DIDCI

A Dièn-Bièn-Foû, 12.000 prijonîs Françès. 8.000 n' sont mày rivnus è leû maujhon. *Kwè ? C' èstève dins on ôte tîns*



I n' vos faut nèn vos èwarer, on comèle èt maxhe todi lès moudêyes di sicrijhaedje